

Dumonda Dosch concernent l'autorità per la protecziun d'uffants e da creschids (APUC)

Il 1. da schaner 2013 è entrà en vigur il nov dretg da la protecziun d'uffants e da creschids. Il chantun Grischun ha fixà disposiziuns correspundentas davart l'organisaziun e davart las cumpetenzas en la lescha introductiva tar il cudesch civil svizzer.

En tut la Svizra datti 146 posts da la APUC cun 715 collavuraturas e collavuratur. La bilantscha dal rapport ch'il cussegl federal ha publitgà davart la lavur da la APUC è la suandanta: In nov dretg, ina nova autorità, novas collavuraturas e novs collavuratur, resursas stgarsas e la natira dals cas che ston vegnir giuditgads, n'hajan betg laschà spetgar che tut funcziunia en moda perfetga a partir da l'emprim di. Il dumber da mesiras da protecziun saja creschì levamain dapi l'onni 2013 tar ils creschids, e sa reduci tar ils uffants. Il cussegl federal conceda che la APUC integreschia en plirs lieus memia pauc ils conturns ils pli vischins da la persuna assistida. La APUC prestia fitg buna lavur en conturns difficils, ha resumà cussegliera federala Sommaruga.

En las medias è la lavur da la APUC adina puspè vegnida crititgada publicamain. En il chantun Sviz è l'onni passà vegnida refusada ina iniziativa dal pievel mo per pauc. Sin plaun federal vegni proximamain cumenzà cun rimnar sutscriptiuns per ina iniziativa APUC. La finamira da quella è da restrenscher considerablmain la APUC. Las famiglias duain vegnir messas en il center. Sch'ina persuna è abla da giuditgar e d'agir, duai esser cumpetenta en emprima lingia la famiglia. La APUC duai exequir sia incumbensa principala.

Mias dumondas en connex cun la lavur da la APUC en il Grischun durant la perioda da 2013 – 2017:

1. Dumber da mesiras

- a) Co è sa sviluppà il dumber da las mesiras da la protecziun da creschids?
- b) Da la protecziun d'uffants?

2. Mandataris privatas e mandataris privats

- a) En tge relaziun stat il dumber da mandataris privatas e mandataris privats cun il dumber da mesiras che vegnan realisadas da las curatellas professiunalas?
- b) Datti ina tendenza da spustar las mesiras da mandataris privatas e mandataris privats sin las curatellas professiunalas?

3. Servetsch da pichet

- a) Co è organisà il servetsch da pichet?
- b) Quant auts èn stads ils custs totals?

4. Transferiment en il dretg nov

Èn tut ils cas (incl. curatellas cumplessivas) vegnids transferids en il fratemp en il dretg nov?

5. Plazzament per motivs da provediment

Quants cas èn vegnids disponids d'ina media u d'in medi e quants da la APUC?

6. Instanza da meds legals

- a) Quantas decisiuns da la APUC ha la dretgira chantunala stuì giuditgar?
- b) Quants da quels cas ha la dretgira chantunala approvà resp. approvà parzialmain?

7. Dumondas generalas

- a) Co giuditgescha la regenza la lavur da la APUC?
- b) Datti ord vista da la regenza tensiuns tranter la APUC e las vischnancas?
- c) Datti secturs, nua ch'igl exista in basegn d'agir?

Cuira, ils 14 da favrer 2018

Dosch, Niggli-Mathis (Grüsch), Hitz-Rusch, Albertin, Alig, Atanes, Baselgia-Brunner, Blumenthal, Bondolfi, Caduff, Caluori, Casanova (Glion), Casutt-Derungs, Cavegn, Cramer, Darms-Landolt, Della Vedova, Epp, Florin-Caluori, Foffa, Geisseler, Jaag, Joos, Koch (Tumein), Komminoth-Elmer, Kunfermann, Locher Benguerel, Lorez-Meuli, Märchy-Caduff, Monigatti, Niederer, Paterlini, Perl, Sax, Tenchio, Thomann-Frank, Tomaschett (Breil), Tomaschett-Berther (Trun), von Ballmoos, Widmer-Spreiter, Berther (Segnas), Gugelmann, Lombardi